

四庫全書

史部

欽定四庫全書

政和五禮新儀卷一百十八

吉禮

進獻諸陵下宮儀

時日

陳設

省饌

行事

時日

諸陵有司以元日冬至寒食節第二第三日上元節等
前後各一日中元節前一日立春二月二日春社上巳
重午初伏七夕秋社中秋望日重陽下元節臘朔望各
一日進獻下宮

陳設

前一日都監常服帥其屬闕宮寢門設神御座南向

永安

陵設宣祖皇帝座當寢殿又設昭憲皇后座于其西永
昌陵設太祖皇帝座當寢殿又設孝惠皇后座于其西

孝明皇后座于其東孝章皇后座于孝惠皇后之西永
熙陵設太宗皇帝座當寢殿又設淑德皇后座于其西
懿德皇后座于其東明德皇后座于淑德皇后之西元
德皇后座于懿德皇后之東永定陵設真宗皇帝座當
寢殿又設章懷皇后座于其西章穆皇后座于其東章
獻明肅皇后座于章懷皇后之西章懿皇后座于章穆
皇后之東永昭陵設仁宗皇帝座當寢殿又設慈聖光
獻皇后座于其西永原陵設英宗皇帝座當寢殿又設
宣仁聖烈皇后座于其西永裕陵設神宗皇帝座當寢
殿又設欽聖憲肅皇后座于其西欽成皇后座于其東
欽慈皇后座于欽聖憲肅皇后之西永
泰陵設哲宗皇帝座當寢殿俱南向 陳供奉之物于

座前訖闔寢宮門進獻日行事首設都監位于庭北向

香火內侍位其後

焚獻者仍設望燎位于門外都監南向
香火內侍位其後惟永定陵都監

先詣真宗皇帝下宮陳設畢帥其屬詣章惠皇后陵闢
宮殿門升殿行掃于上降行掃除于下訖設神御座于
殿上當中南面陳香案及供奉之物于座前訖闢宮殿
門設行事望燎位同上儀永裕陵下宮惠恭皇后位陳
設並如諸陵
下宮之儀

省饌

前進獻一日都監常服閱饌物詣厨省鑊視滌濯晡後
帥其屬臨造神饌若七夕中元節冬
至日前一日造饌

行事

進獻日質明

若七夕中元節
前一日即未後

都監以下常服帥其屬闕

寢宮門以俟陳設畢奉饌者各陳于外進饌者序入都
監香火內侍入就位再拜升自東階由殿後詣神御室
卷簾褰帳都監詣香案前搢笏三上香執笏少退再拜

逐位詣每位神御前

永安陵詣宣祖皇帝次詣昭憲皇
后永昌陵詣太祖皇帝次詣孝惠

皇后孝明皇后孝章皇后永熙陵詣太宗皇帝次詣淑
德皇后懿德皇后明德皇后元德皇后永定陵詣真宗
皇帝次詣章懷皇后章穆皇后章獻明肅皇后章懿皇
后永昭陵詣仁宗皇帝次詣慈聖光獻皇后永原陵詣
英宗皇帝次詣宣仁聖烈皇后永裕陵詣神宗皇帝次
詣欽聖憲肅皇后欽成皇后欽慈皇后永泰陵詣哲宗
皇帝搢笏進湯次進酒饌恭奠于座前執笏侍于側

候進
酒饌

畢徹酒再酌酒進次味至少
移故處並香火內侍供應

俟酌獻畢進表

無即少頃不進

進茶訖徹饌洒熄香火下幃簾闔牖戶俱降復位再拜

以出

焚獻香詣望燎位執燎

闔宮門乃退

若永定陵則都監先詣真宗皇帝下宮行禮畢

帥其屬詣章惠皇后陵闔宮殿門以俟降設訖行禮並如上儀闔宮殿門訖退永裕陵則都監先詣神宗皇帝下宮行禮畢帥其屬詣惠恭皇后位行禮並如上儀

政和五禮新儀卷一百十八

欽定四庫全書

政和五禮新儀卷一百十九

吉禮

薦新諸陵儀

時日

陳設

省饌

行事

時日

每月陵所遇有新物薦獻下宮

孟春以韭菹茵陳卯仲春以水鳧莼季春以荀

蒲白酪煮酒藕鮪魚如鮪魚關代以鮪脯孟夏以含桃李茶麥仁豕仲夏以黍鵠鵠衣杏林禽季夏以菱芡通蓬孟秋以黍稷棗梨蒲萄仲秋以麻稻醴酒鵝季秋以白小豆兔栗榴柰棗孟冬以馬山藥仲冬以麋橘橙柑季冬以魚酢仲春薦

陳設

前薦新一日有司具新物詣陵所都監常服帥其屬闕寢宮門設神御座如儀及陳供奉之物於座前訖闔宮

門薦新日未行事前設都監位於庭北向香火內侍位

其後

惟永定陵都監先詣真宗皇帝下宮陳設畢帥其屬詣章懿皇后陵闕宮殿門升殿行掃除於上降

行掃除於下訖設神御座於殿上當中南向陳香案及供奉之物於座前訖闔宮殿門設行事位如上儀

省饌

前薦新一日都監常服閱薦物視滌漑應饌者詣厨省饌以時帥其屬臨造

行事

薦新日質明都監常服帥其屬闕寢宮門以俟陳設畢

奉薦物各陳於外序入都監香火內侍入就位再拜升
自東階由殿後詣神御室卷簾褰帳都監詣香案前拈
笏三上香執笏少退搢笏奉薦物恭置於神御前訖執
笏詣香案前再拜

逐位再拜並香火內侍供應

侍於側如食頃徹畢

灑熄香火下帷簾闔牖戶俱降復位再拜闔寢宮門訖

退

若永定陵則都監先詣真宗皇帝下宮行禮畢帥其屬詣章懿皇后陵闔宮殿門俟陳訖行禮並如上儀

訖闔宮殿門乃退

政和五禮新儀卷一百十九

欽定四庫全書

政和五禮新儀卷一百二十

吉禮

皇帝視學酌獻文宣王儀

陳設

酌獻文宣王

視學

陳設

殿中監前期一日帥其屬尚舍設皇帝御幄於廟殿之東南向儀鸞司設三公以下幕次於國子監門外稍東量地之宜至日御史臺太常寺閣門設陪祠官班於殿下如月朔視廟之儀太常設祭器於文宣王神位前光

祿實之左邊一

實以鹿脯

右豆一

實以鹿鸞

爵一

在邊豆前犧尊

一在殿上前楹間

實以供內法酒

設香爐於神位前又設配享

及從祀位每位各左邊一

實以鹿脯

右豆一

實以鹿鸞

爵一在邊

豆前共設象尊四

實以祠祭法酒

一設於殿上前楹東一設於

前楹西其二分設於兩廡階北並加坳設太官令位於
文宣王酌尊所北向

酌獻文宣王

其日皇帝服鞞袍乘輦將至國子監禮部祠部郎官太
常寺本監并太學官學生奉迎於路左車駕由監門入
降輦歸幄禮直官太常博士太常卿立於幄前東向
禮直官通事舍人引三公親王使相執政官御史臺閣
門引尚書侍郎以下文武官各入詣殿下位闔門報班

齊太常卿詣御幄前俛伏跪奏太常卿臣某言請皇帝
行酌獻之禮奏訖俯伏興簾卷禮直官太常博士太常
卿前導皇帝出幄升自東階詣至聖文宣王神位前太
常卿奏請皇帝跪又奏上香丹上香三上香侍臣執爵
詣酒尊所太官令酌酒以授侍臣侍臣跪以爵進皇帝
再拜贊者曰再拜在位官皆再拜太常卿前導皇帝降
自東階歸御幄簾降太常卿詣御幄前俛伏跪奏太常
卿臣某言禮畢奏訖俛伏興簾卷皇帝出幄乘輦赴太

學如別儀禮部祠部郎官太常丞博士及國子監太學
官詣配享及從祀分奠如常儀

視學

尚舍局預設次於敦化堂後又設次於敦化堂上稍北
當中南向內鋪御座閣門設臣僚班於堂下如月朔視
朝之儀及設宰臣以下從官次於中門之外皇帝於文
宣王廟酌獻禮畢乘輦幸太學入至敦化堂上降輦入
次簾降更衣禮直官通事舍人引與講官入就堂下北

向位講書執經官學士各立於堂下東西相向俟閣門報班齊皇帝出次升御座班首奏聖躬萬福知東上閣門官詣御座前承旨臨階西向宣曰升堂通事舍人贊再拜三公以下皆再拜分左右升堂各就位後少立起居郎舍人左右侍立禮直官通事舍人引講書及執經官就北向位班首奏聖躬萬福知東上閣門官宣曰升堂舍人贊再拜講書及執經官再拜由東西階升堂立於御座左右講書官在西東向執經官在東西向學生就

北向位舍人贊再拜在位者皆再拜分立於東西兩廊
皆北上內侍進書案牙籤以經授執經官稍前進於案
上舍人贊曰就坐宰臣以下並坐講書官講畢通事舍
人曰可起羣臣皆起降階東西相向立執經官降階講
書官於御座前致辭訖降階北向通事舍人贊再拜講
書官再拜如有宣答
即再贊拜次起居郎舍人歸本班知東上閣
門官宣坐賜茶通事舍人禮直官引三公以下各就位
北向通事舍人贊再拜三公以下再拜訖升堂各立於

後學生各就北向位通事舍人贊再拜應在位者皆再拜分立東西廊以北為上立定舍人贊曰各就坐上下皆就坐賜茶畢禮直官通事舍人引堂上官降階就位通事舍人贊再拜在位官皆再拜禮直官通事舍人分引以出次學生就北向位通事舍人贊再拜學生皆再拜退訖

若有特旨臨時謝恩皇帝降座還次乘輿還內如來儀

政和五禮新儀卷一百二十

欽定四庫全書

政和五禮新儀卷一百二十一

吉禮

釋奠文宣王儀

時日

齋戒

陳設

省饌

欽定四庫全書

政和五禮新儀
卷一百二十一

行事

時日

太常寺預於隔季以仲春上丁

仲秋上丁

釋奠至聖文宣王

關太史局以其日報太常寺參酌訖具時日散告

齋戒

前釋奠五日應行事執事官散齋三日治事如故宿於

正寢不弔喪問疾作樂判書刑殺文書決罰罪人及與

穢惡致齋二日

光祿少卿太官令齋一日

一日於本司

無本司者於太常齋舍齋

明至齊所惟釋奠事聽行其餘悉禁前一日質明並赴祠所
官給酒饌釋奠已齋而闕者通攝行事

陳設

前釋奠三日儀鸞司設行事執事官次於祠所前一日
光祿陳禮饌於殿之東南南向牽牲詣祠所太常設省
饌位於禮饌之南三獻官在南北向西上分奠官位於
其後監察御史在西南向光祿少卿太樂令奉禮郎太
祝太官令在東西向北上

凡奉禮郎以下位皆稍却

大晟設登歌之

樂於殿上前楹間稍南北向釋奠日丑前五刻禮直官贊者諸司職掌各服其服太常設幣篚各於神位之左幣以祝版各於神位之右置於牀次設祭器皆藉以席白

光祿實之

正位至聖文宣王配位兗國公顏回鄒國公孟軻舒王王安石

每位各左十

邊為三行以右為上

第一行乾祿在前乾棗形鹽魚鱸次之第二行鹿脯在前榛實乾桃

次之第三行菱在前芡梨次之

右十豆為三行以左為上

第一行芹菹在前筍菹葵

菹菁菹次之第二行韭菹在前魚醢兔醢次之第三行豚拍在前鹿羶醢醢次之

俎二一在邊

前實以豕腥七體其載如羊

又俎六在豆右為三重以北為上

第一重

實以羊腥腸胃肺離肺一在上端刊肺三次之腸三胃
三又次之一實以豕腥膚九橫載第二重一實以羊熟
腸胃肺一實以豕熟膚其載如腥第三重一實以羊熟
十一體肩臂臑肱肱正脊一直脊一橫脊一長脇一短
脇一代脇一皆二骨以並肩臂臑在上端肱肱在下端
脊脇在中一實以豕熟十一體其載如羊皆羊在左豕
右簋二簋二在豆外二俎閒簋在左簋在右

簋實以稻梁梁

在稻前簋實以黍稷稷在黍前

釶三在豆間一在前二在後登二

在鉶前

實以大羹

一在邊左

實以肝膋

槃一在鉶後

實以毛血

設犧尊

四象尊四為二重在殿前楹間北向西上犧尊在前皆

有坫加勺冪為酌尊

犧尊一實明水為上尊餘實泛齊代以供內法酒初獻酌之象尊一

實明水為上尊餘膏醴齊代又設太尊二在神位前著

以祠祭法酒亞終獻酌之

一寔泛齊山尊一實醴若尊二犧尊二象尊二壺尊六

齊各以一尊實明水

在殿下

太尊一實盞齊犧尊一實醴齊象尊一實沉齊各以一尊實明水壺尊三實玄酒三實三酒明

水玄酒俱北向西上加帛五齊三酒皆設而不酌藉以皆在上

席又設諸從祀位祭器每位各左二邊栗在前鹿脯次之右二

豆

菁菹在前鹿藿次之

俎一在邊豆間

實以羊豕腥肉

簋一在邊南

實以稷

簋一在豆南

實以黍

爵一在邊豆之南兩廡各設象尊二

實以祠祭法酒太常設燭於神位前洗二于東階之東盥洗在東爵洗

在
西壘在洗東加勺篚在洗西南肆實以巾

若爵洗之篚則又實以爵

加執壘篚者位于其後設揖位于南神門外三獻官在

西東向分奠官位于其後監察御史太樂令奉禮郎太

祝太官令在東西向俱北上開瘞坎于殿西北壬地方

深取足容物南出陞設望瘞位于瘞坎之南如省饌之

位惟不設太官令位

又設三獻官席位于殿下東階之東西向

北上分奠官位于其後監察御史太樂令位于殿下之

南北向奉禮郎太祝太官令位其後俱西向光祿少卿

席位于監察御史之東陪位生員位其後俱北向西上
又設監察御史位于殿上樂廡之北在西東向奉禮郎
太祝在東西向北上大樂令于樂廡北太官令于酌尊
所俱北向

省饌

前釋奠一日行事執事官集初獻齋所肄儀太祝習讀
祝文及視幣次禮直官贊者分引行事執事官就省饌
位凡初獻行事禮直官引饌官皆贊者引立定禮直官贊揖所司省饌具

畢禮直官贊省饌畢揖訖俱還齋所未後一刻太官令
帥宰人以鸞刀割牲祝史以槃取毛血置于饌所遂烹
牲脯後有司帥其屬掃除殿之內外訖還齋所

行事

釋奠日丑前五刻

行事春用丑時七刻秋用丑時一刻

初獻以下並赴祠

所就次太官令帥其屬實饌具畢次引光祿少卿入就
殿下席位北向立贊者曰再拜光祿少卿再拜升自東

階凡行事執事官升降皆自東階

點視禮饌畢次引監察御史升殿點

閱陳設糾察不如儀者

凡點視及點閱皆先詣正位

次樂正帥工人

升東階各入就位光祿少卿還齋所餘官各服祭服次引行事執事官詣南神門外揖位立定禮直官稍前贊有司謹具請贊揖次引大樂令先入就殿下席位北向立贊者曰再拜大樂令再拜升殿就位次引監察御史奉禮郎太祝太官令入就殿下席位北向立次引三獻官入就殿下席位北向立禮直官稍前贊有司謹具請行事凝安之樂作三成止贊者曰再拜在位者皆再拜

次引監察御史奉禮郎太祝太官令俱升殿各就位立

定次引初獻詣盥洗位同安之樂作

凡初獻升降行止皆作同安之樂

至洗位北向立搢笏盥手帨手訖執笏升詣文宣王神

位前北向立樂止明安之樂作搢笏跪次引奉禮郎進

笏西向跪執事者以幣授奉禮郎奉禮郎奉幣授初獻

執笏興先詣兗國公神位前北向立初獻授幣奠訖執

笏俛伏興少退再拜次詣鄒國公神位次詣舒王位前

奠幣並如上儀樂止奉禮郎復位初獻將降階樂作復

位樂止少頃引初獻再詣盥洗位樂作至洗位北向立
搯笏盥手帨手執笏詣爵洗位北向立搯笏洗爵拭爵
以授執事者執笏升詣正位酌尊所西向立樂止成安
之樂作執事者以爵授初獻搯笏執爵執尊者舉冪太
官令酌犧尊之泛齊訖先詣充國公酌尊所北向立初
獻以爵授執事者執笏詣文宣王神位前北向立搯笏
跪執事者以爵授初獻初獻執爵三祭酒奠爵執笏俛
伏興少立樂止次引太祝詣神位前東向搯笏跪讀祝

文讀訖執笏先詣充國公神位前南向立初獻再拜次
詣配位每位行禮並如上儀太官令復詣正位酌尊所
太祝復位初獻將降階樂作復位樂止次引亞獻詣盥
洗位北向立搢笏盥手執笏詣爵洗位北向立搢笏洗
爵拭爵以授執事者執笏升詣文宣王位酌尊所西向
立成安之樂作執事者以爵授亞獻亞獻搢笏執爵執
事者舉冪太官令酌象尊之醴齊訖先詣充國公位酌
尊所北向立亞獻以爵授執事者執笏升詣文宣王神

位前北向立搢笏跪執事者以爵授亞獻亞獻執爵三祭酒奠爵執笏俛伏興少退再拜次詣每位行禮並如上儀樂止降復位次引終獻詣洗升殿行禮並如亞獻之儀降復位初亞獻將升引分奠官詣洗盥手帨手訖分奠殿內及兩廡諸神位搢笏跪執爵三祭酒奠爵執笏俛伏興再拜分奠訖俱降復位禮直官曰賜胙贊者承傳曰賜胙再拜在位者皆再拜送神凝安之樂作一成止次引三獻官詣望瘞位有司各詣神位前取幣祝

版置于瘞坎次引監察御史太樂令奉禮郎太祝詣望
瘞位立定禮直官曰可瘞寘土半坎

凡瘞皆先省視訖乃瘞

初獻

以下詣南神門外揖位立定禮直官贊禮畢揖訖退太
官令帥其屬徹禮饌監察御史詣殿上監視收徹乃退

政和五禮新儀卷一百二十一

欽定四庫全書

政和五禮新儀卷一百二十二

吉禮

釋奠武成王儀

時日

齋戒

陳設

省饌

行事

時日

太常寺預于隅季以仲春上戊

仲秋上戊

釋奠昭烈武成王

關太史局太史局以其日報太常寺太常寺參酌訖具時日散告

齋戒

前釋奠五日應行事執事官致齋三日治事如故宿于正寢不弔喪問疾作樂判書刑殺文書決罰罪人及與

穢惡致齋二日

光祿少卿太官令齋一日

一日于本司

無本司者于太常齋舍質

明詣齋所

惟釋奠事得行其餘悉禁前一日質明並赴祠所

官給酒饌釋奠官已齋而闕者通攝行事

陳設

前釋奠一日儀鸞司設行事執事官次于祠所前一日
光祿牽牲詣祠所次陳禮饌于殿之東南南向太常設
齋饌于位版禮饌之南三獻官在南北向西上分奠官
位于其後監察御史在西東向光祿卿大樂令奉禮郎

太祝太官在東西向北上

凡奉禮郎以下位皆稍却

大晟設登歌之

樂于殿上前楹間稍南北向釋奠日丑前五刻禮直官

贊者諸司職掌各服其服太常設幣篚各于神位之左

幣以白祝版各于神位之右置于坫次設祭器皆藉以席

光祿實之正配位各左十邊為三行以左為上

第一行乾籩在

前乾棗形鹽魚鱸次之第二行鹿脯在前

榛實乾桃次之第三行菱在前芡栗次之右十豆為三

行以左為上

第一行芹菹在前荀菹紫菹菁菹次之第二行韭在前魚醢兔醢次之第三行豚拍

在前鹿蒿醢醢次之

俎二一在籩前

實以羊腥七體兩髀兩肩兩脇并脊兩髀在兩端兩肩兩

脊次之一在豆前實以豕腥七體其載如羊又設俎六在豆右為三

重以北為上

第一重一實以羊腥腸胃肺雞肺一在上端刊肺三次之腸三胃三又次之一實以

豕腥膚九橫載第二重一實以羊熟腸胃肺一實以豕熟膚其載如腥第三重一實以羊熟十一體肩臂臑肱

胙正脊一直脊一橫脊一長脊一短脊一代脊一皆二骨以並肩臂臑在上端肱胙在下端脊在中一實以豕

熟十一體其載如羊簠二簋二在籩豆外二俎間簠在

左簠在右

簠實以稻梁梁在稻前簋實以黍稷稷在黍前

鉶三在籩豆間

一在前二

在後實以羹加芼滑

登二一在鉶前

實以大羹

一在籩左

實以肝膋

槃一在

鉶後

實以毛血

設犧尊四象尊四為二重在殿上前楹閒北

向西上犧尊在前皆有坩加勺冪為酌尊

犧尊一實明水為上尊餘

實泛齊代以祠祭法酒亞終獻酌之

又設太尊二山尊二在神位前

太尊一實

泛齊山尊一實醴齊各以一尊實明水

著尊二犧尊二象尊二壺尊六在

殿下

著尊一實盞齊犧尊一實醢齊象尊一實沉齊各以一尊實明水壺尊三實玄酒三實三酒明水玄

酒皆在上俱北向西上加冪五齊三酒皆設而不酌藉以席

又設諸從祀位祭器每位各左二籩

栗在前鹿脯次之

右二豆

菁菹在前鹿鶩次之

俎一在籩豆間

實以羊豕腥肉

簋一在籩南

實以稷

簋

一在豆南

實以黍

爵一在籩豆之南兩廡各設象尊二

實以

祠祭法酒太常設祝于神位前洗二于東階之東盥洗在東爵洗在西

壘在洗東加勺篚在西南肆實以巾

若爵洗之篚則又實以爵加玷執

壘篚者位于其後設揖位于南神門外三獻官在西東向奉禮郎太祝太官令位其後俱西向光祿少卿席位于監察御史位之東本學陪位生員位其後俱北向西上又設監察御史位于殿上樂廡之北在西東向奉禮郎太祝在東西向北大樂令于樂廡北太官令于酌尊所俱北向

省饌

前釋奠一日行事執事官集初獻齋所肄儀太祝習讀祝文及視幣次禮直官贊者分引行事執事官就省饌

位

凡初獻行事禮直官引餘官皆贊者引

立定禮直官贊揖所司省饌具

畢禮直官贊省饌畢訖俱還齋所次引監察御史詣厨省錢視祭器濯滌及視牲充牕乃還齋所未後一刻太官令帥宰人以鷹刀割牲祝史以槃取毛血置于饌所遂烹牲脯後有司帥其屬掃除殿之内外訖還齋所

行事

釋奠日丑前五刻

行事春用丑時七刻秋用丑時一刻

初獻以下並赴祠所就

次太官令帥其屬實饌具畢次引光祿少卿入就殿下席位

北向立贊者曰再拜光祿少卿再拜升自東階

凡行事執事官升降皆自

東階點視饌禮畢次引監察御史升殿點閱陳設糾察不如儀

者

凡點視及點閱皆先詣正位

光祿少卿還齋所餘官各服祭服引行事

執事官詣南神門外揖位立定禮直官贊揖次引大樂令先

入就殿下席位北向贊者曰再拜大樂令再拜升殿就位次

引監察御史奉禮郎太祝太官令入就殿下位北向立次
引三獻官入就殿下席位西向立禮直官稍前贊有司謹具
請行事凝安之樂作三成止贊者曰再拜在位者皆再拜
次引監察御史奉禮郎太祝太官令俱升殿各就位立定
次引初獻詣盥洗位同安之樂作凡初獻升降行止皆作同安之樂至洗
位北向立搢笏盥手帨手訖執笏升詣武成王位前北向
立樂止明安之樂作搢笏跪次引奉禮郎進笏西向跪執
事者以幣授奉禮郎奉禮郎奉幣授初獻執笏興先詣少

傳留侯位前北向立初獻受幣奠訖執笏伏俛興少退
再拜次詣配位前行禮搢笏如上儀樂止奉禮郎復位
初獻將降階樂作復位樂止少頃引初獻再詣盥洗位
樂作至洗位北向搢笏盥手悅手執笏詣爵洗位北向
立搢笏洗爵以授執事者執笏升詣正位酌尊所西向
立樂止成安之樂作執事者以爵授初獻初獻搢笏執
爵執尊者舉帛太官令酌犧尊之泛齊訖先詣少傅留
侯酌尊所北向立初獻以爵授執事者執笏詣武成王

神位前北向立搢笏跪執事者以爵授初獻初獻執爵
三祭酒奠爵執笏俛伏興少立樂止次引太祝詣神位
前東向搢笏跪讀祝文讀訖執笏興先詣少傅留侯神
位前南向立初獻再拜次詣配位行禮並如上儀太官
令復詣正位酌尊所太祝復位初獻將降階樂作復位
樂止次引亞獻詣盥洗位北向立搢笏盥手悅手執笏
詣洗位北向搢笏洗爵拭爵以授執事者執笏升詣正
位酌尊所西向立成安之樂作執事者以爵授亞獻搢

笏執爵執尊者舉冪太官令酌象尊之醴齊訖先詣少
傅留侯位酌尊所北向立亞獻以爵授執事者執笏升
詣武成王位前北向立搢笏跪執事者以爵授亞獻亞
獻執爵三祭酒奠爵執笏俛伏興少退再拜次詣少傅
留侯神位前行禮並如上儀樂止降復位次引終獻詣
洗升殿行禮並如亞獻之儀降復位初獻將升引分
奠官詣盥洗盥手帨手訖引詣殿內及兩廡諸神位搢
笏跪執爵三祭酒奠爵執笏俛伏興再拜在位者皆再

拜送神疑安之樂作一成止次引三獻官分奠官詣望
瘞位有司各詣神位前取幣祝版置于瘞坎次引監察
御史大樂令奉禮郎太祝詣望瘞位立定禮直官曰可
瘞寘土半坎凡瘞皆先省視訖乃瘞初獻以下詣南神門外揖位
立定禮直官贊禮畢揖訖退太官令帥其屬徹禮饌監
察御史詣殿上監視收徹訖乃退

政和五禮新儀卷一百二十二

欽定四庫全書

政和五禮新儀卷一百二十三

吉禮

辟廱釋菜儀

時日

齋戒

陳設

行事

時日

前期太常寺具元日釋菜至聖文宣王散告

齋戒

釋菜前一日質明應行事執事官赴祠所致齋惟釋菜事得行其餘悉禁官給酒饌釋菜官已齋而闕者通攝行事

陳設

前釋菜一日儀鸞司設行事執事次于本學大晟設登

歌之樂于殿上前楹間稍南北向釋菜日丑前五刻禮

直官贊者諸司職掌各服其服太常設祝版於正配神

位之右置于玷次設祭器皆藉以席光祿實之每位各

左一簋

實以鹿脯

右一豆

實以芹菹荀藟葵藟韭菹

設犧尊一于殿上東

南隅北向有玷加勺冪

實以泛齊代以祠祭法酒

太常設燭于神位

前洗二于東階之東北向

盥洗在東爵洗在西

壘在洗東加勺篚

在洗西南肆實以巾

若爵洗之篚則又實以爵加玷

執壘篚者位于其

後北上又設獻官席位于殿下東階之東西向分奠官

位于其後北上太樂令太祝太官令席位于殿庭之南
應貢士位于其後俱北向西上又設太祝位于殿上西
向大樂令于樂廡北太官令于酌尊所俱北向

行事

釋菜日丑前五刻

行事用丑時七刻

獻官以下常服就次太官

令帥其屬實饌具畢次引獻官升殿點閱陳設次貢士
等先入就位次引大樂令先入就殿下席位立贊者曰
再拜升殿就位次引獻官分獻官太祝太官令各入殿

下席位立定凝安之樂作三成止贊者曰再拜在位者
皆再拜次引太祝太官令俱升殿各就位立定次引獻
官詣盥洗位同安之樂作

獻官升降行止皆作同安之樂

至洗位北向

立搯笏盥手帨手執笏詣爵洗位北向立搯笏洗爵拭
爵以授執事者執笏升詣酌尊所西向立樂止成安之
樂作執事者以爵授獻官獻官搯笏執爵執尊者舉帛
太官令酌犧尊之泛齊獻官以爵授執事者執笏詣文
宣王神位前北向立搯笏跪執事者以爵授獻官獻官

三祭酒奠爵執笏俛伏興少立樂止次引太祝詣神位前東向搢笏跪讀祝文讀訖執笏興先詣充國公神位前東向立獻官再拜次詣配位行禮並如上儀太祝復位獻官將降階樂作復位樂止初獻官既酌獻配位次引分奠官詣盥洗搢笏盥手悅手執笏詣從祀神位前搢笏跪執爵三祭酒奠爵執笏俛伏興再拜分奠訖俱退復位送神凝安之樂作一成止次引獻官以下詣望瘞位有司各詣神位前取祝版置于坎禮直官曰可

瘞置土半坎獻官以下以次出

政和五禮新儀卷一百二十三

欽定四庫全書

政和五禮新儀卷一百二十四

吉禮

皇太子釋奠文宣王儀上

齋戒

陳設

皇太子詣祠所

省饌

行事

講經

皇太子還東宮

齋戒

皇太子散齋五日于別殿致齋二日于正殿凡散齋不
弔喪問疾作樂判書刑殺文書不視事惟行釋奠事致
齋前一日典設郎設皇太子幄坐于正殿東序及室內
俱西向又張幄楹下致齋之日質明有司各勒所部屯

門下列仗如常儀左庶子跪請內嚴太子舍人引宮官文武七品以上陪位諸侍衛之官各服其服諸近侍之官並綰結佩俱詣閣奉迎左庶子啟請外備皇太子服遠遊冠朱明衣綰結佩以出侍衛如常儀皇太子即西向坐侍官夾侍如常左庶子前跪稱左庶子具官姓某言請降座就齋室俛伏興還侍位皇太子降座入室文武侍官各還本司直衛者如常典謁引陪位者以次出凡與釋奠官散齋五日宿于正寢致齋二日于本司近

侍官應從升者及從釋奠官國子監官各于本司致齋
一日散齋治事如故惟不弔喪問疾作樂判書刑殺文
書決罰罪人及與穢惡致齋之日惟釋奠事得行其餘
悉禁釋奠官已齋而闕者通攝行事

陳設

前釋奠三日典設郎帥其屬設皇太子便次于廟東西
向又設便次于國子監隨地之宜守宮設文武侍官次
于便次之後文在左武在右又設諸釋奠官從釋奠官

次于國子監隨地之宜前釋奠三日所司帥其屬掃除
廟之内外光祿牽牲詣祠所前一日設省饌位于禮饌
之南亞終獻北向西上分奠官位于其後監察御史東
向大樂令奉禮協律郎太祝太官令西向北上太晟設
登歌之樂于殿上前楹間北向設軒架之樂于廟釋奠
日丑前五刻諸司職掌各服其服陳幣篚于正配神位
之左幣以白祝版于神位之右置于玷設祭器于正配位
之前藉以席光祿實之

正位至聖文宣王配位充國公
顏子鄒國公孟軻舒王王安石

每位各十遵為三行以右為上

第一行乾榛在前乾棗形鹽魚鱸次之第二行

鹿脯在前榛實乾桃次之

第三行菱在前芡栗次之右十豆為三行以左為上

第一行芹蒹在前荀蒹葵蒹菁蒹次之第二行韭蒹在前魚醢兔醢次之第三行豚拍在前鹿鷄醢次之

二一在遵前

實以羊腥七體兩髀兩肩兩脇并脊兩髀在兩端兩肩兩脇次之脊在中一在

豆前

實以豕腥七體其載如羊

又設俎六于豆右為三重

第一重一實以羊腥

腸胃肺離肺一在上端刺肺三次之腸三胃三又次之一實以豕腥膚九橫載第二重一實以羊熟腸胃肺一

實以豕熟膚其載如腥第三重一實以羊熟十一體肩臂膈肫胙正脊一直脊一橫脊一長脅一短脅一代脅

一皆二骨以並肩臂膈在上端肫胙在下端脊脇在中一實以豕熟十一體其載如羊皆羊在左豕在右簠

二簋二在籩豆外二俎間簋在左簋在右

簋實以稻粱梁在稻前簋

實以黍稷稷在黍前

釶三在籩豆間

一在前二在後實以羹加芼滑

登二一在釶

前

實以太羹

一在籩左

實以肝膋

槃一在釶後

實以毛血

設犧尊四象

尊四皆有坫加勺幕為酌尊于殿上前楹間

犧尊一實明水為上

尊餘實泛齊代以供內法酒初獻酌之象尊一實明水為上尊餘實醴齊代以祠祭法酒亞終獻酌之

又

設太尊二山尊二在神位前

太尊一實泛齊山尊一實醴齊各以一尊實明水

著尊二犧尊二象尊二壺尊六在殿下

著尊一實盞齊犧尊一實醴齊

象尊一實沉齊各以一尊實明水壺尊三實玄酒三實三酒明水玄酒皆在上

加冪五齊三酒

皆設而不酌藉以席又設諸從祀位器祭每位各左二

籩稟在前鹿脯次之右二豆菁菹在前鹿麇次之俎一在籩豆間實以羊豕腥肉

簠一在籩豆間實以黍爵一次之兩廡各設象尊二實以祠祭

酒法太常設燭于神位前洗二于東階之東盥洗在東壘爵洗在西

在洗東加勺篚在洗西南肆實以巾若爵洗之篚則又實以爵加坩執

壘篚者各位于其後又設揖位于南神門外亞終獻東

向北上分獻官位其後監察御史太樂令奉禮郎太祝

太官令西向北上開瘞坎于殿下西北壬地方深取足

容物南出陞設望座位于座坎之南如省饌之位奉禮
郎設皇太子位于東階之東西向飲酌位于殿上西南
北向亞終獻位于皇太子位東南分獻官位于其後俱
重行西向北上設監察御史位于殿庭南北向奉禮郎
太祝位于其後太樂令位于其東協律郎位于其後又
設從釋奠官七品以上位于樂架之西當宮官東向學
生位于宮官監學官之後俱重行北上又設監察御史
位于殿上樂廡之北在西東向奉禮郎太祝在西東向

北上大樂令位于樂廡之北東向協律郎位于樂廡之西北東向太官令位于酌尊所俱北向典設郎設皇太子座于學堂之東壁下西向有司設講榻于北壁下南向又設執經者座于前楹間當講榻北向守宮設三師三少座于皇太子西北南向東上

若有家令詹事以下座即設座于皇太子

之南北面東上

侍講者坐于執經西北若有上臺三品已上觀

講者設座于侍講之北南向東上掌儀設祝版宦官七品以上于東階東南西北上執經侍讀等于西階西

南監官及學官非侍讀者于侍讀之後若有上臺三品
以上視讀者位于執經之北稍退重行皆東向北上學
生分位于宮官學官之後皆重行北上又設掌儀位于
宮官之北贊者二人在南皆西向晡後所司帥其屬以
罇坫壘洗籠幕入設于位

升堂者
自東階

皇太子詣祠所

前出宮二日守宮設從釋奠宮官次于東宮朝堂如常
儀其日質明東宮應從官各服其服所司陳鹵簿于東

宮門外奉禮郎設從釋奠宮官位于東宮朝堂如常儀
文武宮官七品已上依時刻俱集于次諸衛率各勒所
部陳設如式禮直官引左庶子啟請內嚴右庶子負寶
如式俱詣閣奉迎僕進金輅于閣外南向左內率執刀
立于輅前北向中允一員在近侍官之前贊者二人又
在中允之前禮直官引左庶子宮外俟僕攝衣而升正
立執轡皇太子服遠遊冠朱明衣升輿以出左右侍衛
如常儀左庶子進詣輿前俛伏跪稱左庶子姓某言請

皇太子降輿升輅言訖俛伏興

凡左庶子啟請並准此

皇太子降

輿升輅僕立授綏左庶子已下來侍贊善進當輅前俛

伏跪稱贊善姓某言請進輅言訖俛伏興退復位

凡贊善啟

請並准此

輅動贊者夾引以至侍官上馬所贊善請輅權駐

令侍官上馬左庶子前承令退稱曰令若贊善退稱侍

官上馬贊者承傳曰文武侍官上馬畢贊善請進輅輅

動東宮官以下皆乘馬以從出皇城門不鳴鼓吹至廟

南門外迴輅南向左庶子進當輅前請降輅皇太子降

輅入幄次

政和五禮新儀卷一百二十四

欽定四庫全書

政和五禮新儀卷一百二十五

吉禮

皇太子釋奠文宣王儀下

省饌

前釋奠一日行事執事官集亞獻齋所肄儀太祝習讀祝文及視幣次禮直官謁者分引行事執事者就省饌位立定謁者贊揖所司陳饌具畢謁者贊省饌具畢揖

訖俱還齋所次引監察御史詣厨省鑊申視祭器滌濯
及視牲充牷及還齋所未後一刻太官令帥宰人以鸞
刀割牲祝史以槃取毛血置于饌所遂烹牲脯後有司
帥其屬掃除廟之內外訖還齋所

行事

釋奠日丑前五刻有司陳設祭器祭饌如常儀少頃諸
釋奠官及陪位官學生各服其服初皇太子就次訖從
釋奠官學生監生各入就位立定禮直官謁者各分引

釋奠官就揖位禮直官贊揖訖以次入就位如常儀皇
太子駐便次半刻頃率更令立便次門外當門東向左
庶子啟請內嚴又請外脩皇太子出便次侍衛如常儀
率更令引皇太子至廟東門中允進圭皇太子執圭近
侍者從入如常儀皇太子至版位西向立每立定率更令退立于左
率更令啟請再拜退復位皇太子再拜謁者曰衆官再
拜在位者及學生皆再拜率更令前啟有司謹具請行
事退復位協律郎跪俛伏舉麾興工鼓祝軒樂作崇安

之樂天縱將聖之舞三成偃麾戛鼓樂止

凡樂皆協律
即跪俛伏舉

麾興工鼓机而後作
偃麾戛鼓而後止

率更令啟請再拜退復位皇太子

再拜謁者曰再拜在位者皆再拜率更令引皇太子詣

盥洗位軒架翼安之樂作至洗位北向立樂止執事者

酌水率更令啟讀皇太子摺笏執事者跪取巾于篚興

以授皇太子皇太子悅手執事者受巾跪奠于篚率更

令引皇太子執圭升殿登歌樂作至文宣王神位前北

向立樂止

凡皇太子降階行止皆軒架樂作殿
上行止則登歌樂作皆奏翼安之樂

登歌成

安之樂作奉禮郎跪奉幣授左庶子左庶子奉幣北向
以授皇太子執笏興先詣充國公幣並如上儀樂止率
更令引皇太子將降階樂作至殿下位西向立樂止少
頃率更令引皇太子再詣盥洗位樂作至洗位北向立
搢圭盥手並如上儀次詣爵洗位奉爵者跪取爵興以
授皇太子皇太子拭爵奉爵者受爵以升執巾者跪受
巾奠于篚率更令啟請執圭升殿軒架樂作升階樂止
登歌樂作至文宣王位酌尊所西向立樂止恭安之樂

作奉爵者以爵詣酌尊所執事者舉冪太官令酌犧尊之泛齊訖先詣充國公酌尊所北向立皇太子搢圭跪執爵三祭酒奠爵執圭俛伏興率更令引皇太子少退北向立樂止次引太祝詣神位前東向搢笏跪讀祝文讀訖執笏興先詣充國公神位前北向立皇太子并拜次詣配位每位行禮並如上儀惟登歌作憲安之樂太官令復請正位酌尊所太祝復位率更令引皇太子將降階樂作至版位西向立樂止文舞退武舞進軒架宣安之樂作

舞者立定樂止初皇太子將復位次引亞獻詣盥洗位
北向立搢笏洗爵拭爵以授執事者執笏升詣文宣王
位酌尊所西向立軒架作肅安之樂無思不服之舞執
事者以爵授亞獻亞獻執爵執尊者舉帛太官令酌
象尊之醴齊訖先詣充國公位酌尊所北向立亞獻以
爵授執事者執笏升詣文宣王位前北向立搢笏跪執
事者以爵授亞獻亞獻執爵三祭酒奠爵執笏俛伏興
少退再拜次詣每位行禮並如上儀樂止降復位次引

終獻詣洗升殿行禮並如亞獻之儀降復位初亞獻將升分奠官詣洗位盥手帨手訖分奠殿內及兩廡諸神位搢笏跪執爵三祭酒奠爵執笏俛伏興再拜分奠訖俱降復位初皇太子既奠幣光祿寺以牲左臂一骨及長脅短脇俱二骨以並載于胙俎升設于殿上俟終獻既升贊飲福執事者升詣東席飲福位北向立率更令啟請皇太子詣飲福位樂作率更令啟請執圭皇太子執圭升殿將至位樂止登歌作介安之樂皇太子至位

北向立執事者各以爵酌上尊福酒合置一爵又贊禮者受爵北向立率更令啟請再拜皇太子再拜執事者跪以進率更令跪啟請搢圭皇太子搢圭跪執爵祭酒三祭于地啐酒奠爵俛伏興執事者跪受爵以興太祝帥執事持胙俎進減神位前正脊二骨橫脊二骨加于俎上執事南向跪以進皇太子受俎奠之執事者受以興太官令取黍于簋搏以授太祝太祝受以豆北向跪以授皇太子受訖奠之太祝受以興執事者又取爵

以授皇太子飲福酒奠之執事者受虛爵興俱降復位
率更令啟請皇太子執圭俛伏興又啟請再拜皇太子
再拜樂止率更令引皇太子還版位樂作至位樂止禮
直官曰賜胙贊者承傳曰賜胙再拜在位者皆再拜送
神軒架崇安之樂作一成止率更令前曰拜畢引皇太
子出門樂作至門外樂止率更令啟請去圭執事者跪
受圭皇太子還入次左庶子啟請解嚴次引行事官以
下詣望瘞位有司各詣神位前承幣祝版置于瘞次禮

直官曰可瘞置土半坎

凡瘞置先省視訖乃瘞

行事官以下詣南

神門外揖位立定禮直官贊禮畢俱揖訖俱還齋所陪祠官以次出太官令帥其屬徹禮饌監察御史監視收徹訖乃退

講經

皇太子既入便次服常服執經侍講侍讀等官並常服舍人分引羣官及學生等以次就位次左庶子啟請內嚴又啟請外備皇太子乘輿出便次侍衛如常儀至學

降輿詣堂下南向立

左右侍衛量人數從三師三少並從

舍人曰揖羣官

及學生皆躬揖皇太子報揖皆升就位左庶子跪啓請令執經等升俛伏興又左庶子稱曰令若左庶子退降詣西階下立于執經等前北面宣令訖執經以書並升就座

不應升堂者升兩廡

講經如常儀左庶子跪講禮畢羣官皆

起舍人各降復堂下位揖皇太子降揖還便次羣官以次出

皇太子還東宮

皇太子既入便次左庶子啟請解嚴

將士不得輒離部位

皇太子

更朝服駐便次一刻頃左庶子啟請內嚴僕進金輅于學門外南向禮直官引左庶子言外備皇太子乘輿出便次至門外降輿升輅侍官上馬如來儀輅動鼓吹振作至皇城門鼓吹止至東宮外門宮官文武官俱下馬皇太子乘輅入三師三少退皇太子至殿前迴輅南向左庶子啟請降輅皇太子降輅升輿入侍官從至閣左庶子諸將士各還本所

欽定四庫全書

附本五禮新儀
卷一百二十五

七

政和五禮新儀卷一百二十五

欽定四庫全書

政和五禮新儀卷一百二十六

吉禮

州縣釋奠文宣王儀

時日

齋戒

陳設

省饌

行事

時日

州縣以春秋

仲春上丁
仲秋上丁

釋奠文宣王前一日檢舉閱所

屬排辦

齋戒

前釋奠五日應行事執事官散齋三日治事如故宿于
正寢不弔喪問疾作樂判書刑殺文書決罰罪人及與
穢惡致齋二日一日于廳事其日質明赴祠所惟釋奠

事得行其餘悉禁奠官已齋而闕者通攝行事

陳設

前釋奠三日有司設行事執事官次于廟門外隨地之

宜前二日有司牽牲詣祠所前一日掃除廟之内外設

登歌之樂于殿上稍南北向

應頒樂州縣則設

釋奠日丑前五

刻執事者陳幣篚各於神位之左

幣以白

祝版各於神位

之右置于坵次設祭器掌饌者實之每位各左十邊為

三行以右為上

第一行乾榛在前乾棗形鹽魚鱸次之
第二行鹿脯在前榛實乾桃次之第三

行菱在前
艾栗次之
右十豆為三行以左為上

第一行芹菹在前
荀菹葵菹菁菹次

之第二行韭菹在前
魚醢兔醢次之

第三行豚拍在前
鹿臠醢醢次之

羊腥七體兩髀兩肩兩脅并脊
兩髀在兩端兩脅次之脊在中

一在豆前

實以豕腥七體其載如羊

又俎六在豆右為三重以北為上

第一重一實以羊腥
腸胃肺離肺一在上

端刲肺三次之腸三胃三又次之一實以豕腥膚九橫
載第二重一實以羊熟腸胃肺一實以豕熟膚其載如

腥第三重一實以羊熟十一體肩臂膈肱肱正脊一直
脊一橫脊一長脅一短脅一代脅一皆二骨以並肩臂

膈在上端肱肱在下端脊脅在中一實以豕熟十一體其載如羊皆羊在左豕在右

簠一簋一在

籩豆外二俎間簠在左簋在右

簠實以稻梁梁在稻前
簋實以黍稷稷在黍前

設著尊四犧尊四為二重在殿上東南隅北向西上配

即于正位酌尊之東

著尊在前皆有坩加勺冪為酌尊

著尊一實明水為上

尊餘實泛齊初獻酌之犧尊一實明水為上尊餘實醴齊亞終獻酌之

又設太尊二山尊

二在神位前

太尊一實泛齊山尊一實醴齊各以一尊實明水

著尊二犧尊二

象尊二壺尊六

著尊一實盞齊犧尊一實醴齊象尊一實沈齊各以一尊實明水壺尊三實玄

酒三實三酒明水玄酒皆在上五齊三酒皆以本處酒充

在殿下皆北向西上加冪

五齊三酒皆設而不酌又設諸從祀位祭器每位各左

二籩

桌在前鹿脯次之

右二豆

菁菹在前鹿藿次之

俎一在籩豆間

實以羊豕

腥

簋一在籩前

實以稷

簋一在豆前

實以黍

爵一在籩豆之

前兩廡各設象尊二

實以法酒

有司設燭于神位前洗二于

東階之東

盥洗在東爵洗在西

壘在洗東加坫筐在洗西南肆實

以巾

若爵洗之筐則又實以爵加坫

執壘筐者位于其後設揖位于廟

南門外初獻官在西東向亞終獻及祝在東西向北上

祝位

稍却

又設三獻官席位于殿下東階下東南西北上分

獻位其後祝位二于庭中稍北學生位于庭中北向西

上設初獻飲福位于東序西開墜坎于殿下西北方

深取足容物南出陞設望座位于坎之南三獻官在南
北向西上祝在東西向

省饌

前釋奠一日釋奠官帥其屬常服閱饌及視牲充牖詣
厨視滌溉訖各還齋所晡後掌廟者掃除廟之內外

行事

釋奠日丑前五刻

行事仲春用丑時七刻仲秋用丑時一刻

行事執事官各

入就次掌饌者帥其屬實饌具畢贊禮者引初獻凡行事執

事官皆贊
禮者引

升自東階

凡行事執事官升降皆自東階

點視陳設訖退就

次各服其服學生先入就位次引三獻官詣廟南門外
揖位立定贊禮者贊揖次引祝入就殿下席位西向立
次引三獻官入就殿下席位西向立贊禮者少前于初
獻之右贊請行事凝安之樂作三成止贊禮者曰再拜
初獻以下皆再拜次引祝升堂就位立定次引初獻詣
盥洗位同安之樂作

初獻官升降行止皆作同安之樂

至位北向立搢

笏盥手執笏升詣文宣王神位前北向立樂止明

安之樂作搢笏次引祝詣神位前西向搢笏跪執事者以幣授祝祝奉幣授初獻執笏興先詣兗國公神位前立初獻受幣奠訖執笏俛伏興再拜次詣兗國公鄒國公舒王神位前奠訖並如上儀樂止祝復位初獻降階樂作復位樂止少頃引初獻再詣盥洗位樂作至位北向立搢笏盥手悅手執笏次詣爵洗位北向立搢笏洗爵拭爵以授執事者執笏升殿詣文宣王酌尊所南向立樂止成安之樂作執事者以爵授初獻搢笏執爵執

尊者舉冪執事者酌犧尊之泛齊初獻以爵授執事者
執笏詣文宣王位前北向立搢笏跪執事者以爵授初
獻初獻執爵三祭酒奠爵執笏俛伏興樂止次引祝詣
神位前東向搢笏跪讀祝文讀訖執笏興先詣配位前
東向立初獻再拜成安之樂作次詣充國公鄒國公舒
王神位前酌獻並如上儀俱復位初獻降階樂作復位
樂止次引亞獻官詣盥洗位北向立搢笏盥手帨手執
笏次詣爵洗位北向立搢笏洗爵拭爵以授執事者執

笏升詣文宣王酌尊所南向立成安之樂作執事者以
爵授亞獻亞獻摺笏執爵執尊者舉冪執事者酌象尊
之醴齊亞獻以爵授執事者執笏詣文宣王神位前摺
笏跪執事者以爵授亞獻亞獻執爵三祭酒奠爵執笏
俛伏興再拜次詣兗國公鄒國公舒王神位前並如上
儀降復位樂止次引終獻詣洗升殿酌獻並如亞獻之
儀降復位次引初獻升殿詣東序西向立執事者各以
爵酌福酒合置于一爵持爵詣初獻之左北向立初獻

再拜搢笏跪受爵祭酒啐酒奠爵執饌者以俎進減正配位胙肉合置一俎又以豆取黍稷飯合置一豆先以飯授初獻初獻受訖以授執饌者又以俎授初獻初獻受訖以授執饌者執事者再以爵授初獻初獻受爵飲卒爵執事者受虛爵復于牀初獻執笏俛伏興再拜降復位初終獻將升次引分獻官詣洗盥手悅手訖分獻殿內及兩廡諸神位搢笏跪執爵三祭酒奠爵訖執笏俛伏興再拜分獻訖俱復位贊禮者曰賜胙再拜在位

者皆再拜

已飲福受胙者不拜

次引初獻以下就望瘞位執事者

取幣祝版置于瘞坎贊禮者曰可瘞置土半坎初獻以下詣南門外揖位立定贊禮畢揖訖退有司監徹禮饌闔戶以降乃退

政和五禮新儀卷一百二十六

欽定四庫全書

政和五禮新儀卷一百二十七

吉禮

皇帝耕籍儀

時日

陳設

享先農

車駕詣籍田

耕籍

車駕還內

時日

孟春之月太史擇日皇帝親耕籍田命有司享帝神農氏

陳設

殿中監前期帥其屬尚舍設御座于籍田思文殿當中南向設東西閣于殿後之左右殿上前楹施簾儀鸞司

設文武羣官次于思文殿門外左右量地之宜其日奉

禮郎設御耕褥位于耕籍所南向尚舍又設皇帝觀耕

御座于壇上南向

若御思文殿觀耕則不設壇上之位

典儀設侍耕羣臣

位于御耕位之東西又設從耕三公諸王羣臣官位于

御耕位之東南與侍耕羣臣班少却重行異位西向北

上奉禮郎設御耒席于三公之北稍西南向太僕設御

耕牛于御耕位之西稍北太僕卿位于御耕牛之東稍

前南向太常設左輔位于御耕位之東稍南西向設司

農卿位二一位于左輔之後一位于其南並西向北上

籍田令位三皆于司農卿之南少退北上奉青箱官位

于籍田令之後

青箱制如常箱不施蓋兩頭設擡撐施以青色內有九隅設九穀覆青把

諸

執耒耜者位于公卿耕者之後從耕者之前西面

三公諸王

每員各三人從耕羣官各一名助耕並服絳衣介幘三公諸王及從耕官耒耜各一員每耒耜一具牛二餘充副每牛隨一名以明閑農耕者充

又設庶人耕位于從耕官位之南少

東十步外

庶人四十人並青衣耕牛八十每兩牛隨一人耒耜四十具耒二十具鍤四十具以木為

兩耆老陪耕位于庶人耕位之南

耆老五十人並常服陪位

司農少

卿位二于庶人耕位之前郊社令位于司農少卿之西
少退俱北向畿內諸縣令位于庶人耕位之東視侍耕
羣臣班齊西向

諸縣令並
常服陪位

兵部帥其屬陳法駕鹵簿儀

仗自宣德門外以次排列如式

享先農

親耕日有司享帝神農氏后稷氏如常享之儀

車駕詣籍田

前期殿中監帥其屬尚舍設御幄于大慶殿後殿上前

楹施簾儀鸞司設導駕等官次于殿門之外大成設宮
架于宣德門外稍南北向如式其日未明二刻諸侍衛
之官各服其服乘黃令進耕根車于宣德門內南向設
千牛將軍一員位于車前北向門下侍郎一員位于左
輔之前贊者二人位又于其前通事舍人等分引知樞
密院事以下詣垂拱殿庭立班如常儀東上閣門附內
侍進班齊牌垂拱殿簾降皇帝乘輿出至殿上少駐輦
官迎駕自贊常起居宣贊官上殿簾卷鳴鞭行門禁衛

諸班親從迎駕自贊常起居次舍人先贊知內侍省官
以下常起居次樞密以下通班常起居贊祇候引駕樞
密知客省事以下簽書東上閣門官分方又立六尚局
應奉官祇應通侍大夫以下武功大夫以下並先退次
管軍臣僚宣名常起居贊祇候引駕分左右前導乘輿
降階垂拱殿門外禁衛諸班親從自贊常起居皇帝至
大慶殿後閣降輿入西閣導駕官以下就次各易其服
少頃東上閣門御史臺太常寺分引左輔門下侍郎太

僕卿乘黃令詣太慶殿西階下立北向東上乘黃令位

其後次引導駕官在其後分東西相向立以俟奉迎前

導禮直官通事舍人引左輔奏請中嚴

凡左輔門下侍
郎奏謁皆禮直

官通事
舍人引

少頃又奏外辦皇帝服通天冠絳紗袍乘輿以

出降自西階稱警蹕如常儀宣贊舍人贊左輔以下常

起居次導駕官常起居

已起居者止
奏聖躬萬福

太僕卿出詣耕根

車所攝衣而升正立執轡導駕官前駕導皇帝出太慶

殿從門外至耕根車所千牛將軍將前跪執轡左輔進

當輿前俛伏跪奏左輔具官臣某言請皇帝降輿乘輦

奏訖俛伏興退復位

凡左輔奏請准此

乘黃令稍前東向進耕

根車皇帝降輿升車太僕卿立授綏導駕官分左右前

導乘黃令進耒耜左輔耒耜載以象輅列于仗內御

前門下侍郎進當車前俛伏跪奏門下侍郎具官臣某

言請車駕進發奏訖俛伏興退復位

凡門下侍郎奏請准此

協律

郎跪俛伏舉麾興工鼓柷奏采茨之樂

凡樂皆協律郎舉麾興工鼓柷

而後作偃麾
戛鼓而後止

車駕動稱警蹕左輔先詣宣德門內以俟

門下侍郎及贊者夾侍以出千牛將軍夾車而趨車駕
將及宣德門至侍臣上馬所門下侍郎奏請車駕少駐
勅侍臣上馬左輔前承旨退稱曰制可門下侍郎傳制
稱侍臣上馬贊者承傳勅侍臣上馬諸侍衛之官各督
其屬左右翊駕在黃麾內符寶郎奉八寶前導殿中監
後部從導駕官夾侍于前贊者在左輔門下侍郎之前
侍臣上馬畢門下侍郎奏請車駕進發車駕動稱警蹕
樂止鼓吹振作法駕鹵簿導詣籍田車駕將至籍田東

上閤門御史臺分引文武官侍耕官諸方客使禮直官

贊者升從耕執事官俱詣籍田西門外立班再拜奉迎

訖退

內已起居者止
奏聖躬萬福

車駕及門少駐文武侍臣皆下馬

導駕官步導入門車駕動千牛將軍夾車而趨至思文

殿前回車南向導駕官分左右立千牛將軍一於車右

左輔奏請皇帝降車乘輿尚輦奉御進輿于車後皇帝

降車乘輿入思文殿侍衛如常儀左輔以御耒耜授乘

黃令乘黃令受以授籍田令籍田令授耒耜橫執之詣

耕籍所置于席遂守之

凡執耒耜者橫執之受則先其耒後其耜

皇帝降輿

歸殿後閣簾降通事舍人承旨勅羣臣官各還次以俟

耕籍

耕籍

皇帝將詣耕籍位御史臺先引殿中侍御史入就位次
禮直官通事舍人等分引侍耕及從耕羣官各就位司
農卿籍田令奉青箱官諸執耒耜者各就位尚輦奉御
進輿于思文殿禮直官太常博士太常卿立于西閣之

右西上左輔奏請中嚴少頃又奏外辨皇帝服通天冠

絳紗袍乘輿以出禮直官太常博士太常卿前導

凡行禮皆

禮直官太常博士太常卿前導

皇帝乘輿降自西階至御耕位禮直官

博士太常卿詣輿前俛伏跪奏太常卿具官臣某言請

皇帝降輿就耕籍位奏訖俛伏興退

凡太常卿奏請准此

皇帝降

輿詣褥位南向立禮直官博士引太常卿詣皇帝褥位

前北向奏請皇帝行耕籍之禮奏訖退復位禮直官引

籍田令進詣御耒席南北向又引司農卿詣籍田令之

東西向籍田令俛伏跪搯笏執事者以緇授籍田令解
緇出耒耜執耒起東向立以耒授司農卿司農卿搯笏
受耒訖籍田令少退司農卿以耒授執事者執笏東向
立禮直官引左輔詣司農卿前西向執事者以耒授司
農卿司農卿搯笏受耒以授左輔左輔搯笏受訖禮直
官引左輔詣御耕位前少東北向太常卿奏請皇帝受
耒耜左輔執耒耜以進皇帝受之三推訖左輔前受耒
耜左輔以耒耜復授司農卿司農卿以授籍田令還本

位籍田令復耒于緇執耒起以授執事者復位皇帝初

耕諸執耒耜者以耒耜各授從耕者禮直官博士引太

常卿詣御耕位前北向奏請皇帝升壇

若御思文殿觀耕則奏請乘輿

升殿觀耕

奏訖退復位太常卿前導皇帝詣親耕壇即御座

南向

若御思文殿觀耕則尚御進輿皇帝乘輿禮直官博士太常卿前導皇帝升殿西階至殿上降輿即

御座南向

禮直官博士太常卿近東西向立北上禮直官引

耕籍三公諸王各五推餘從耕官各九推訖執耒耜者

前受耒耜退復位禮直官引左輔詣御座前跪奏禮畢

奏訖退復位皇帝降壇乘輿歸殿後閣簾降左輔奏解
嚴侍耕從耕羣官皆退禮直官引司農少卿帥庶人以
次耕于千畝次籍田令以青箱授司農卿奉青箱種秬
之種詣耕所灑之訖次司農少卿帥郊社令檢校終千
畝次司農卿省功訖詣思文殿下北向俛伏跪奏司農
卿具官臣某言省功畢奏訖俛伏興退

車駕還內

前期殿中監帥其屬尚舍設御幄于大慶殿門外之東

南向其日皇帝耕籍畢還思文殿所司轉仗衛鹵簿於還途如來儀文武百官客使等並先詣宣德門外就次以俟立班奉迎乘黃令進耕根車于思文殿門外南向千牛將軍一員執長刀立于車前尚輦奉御進輿於思文殿導駕官俱詣思文殿西階奉迎左輔奏請中嚴少頃又奏外辦簾卷皇帝服通天冠絳紗袍乘輿以出應導駕官等並迎駕奏聖躬萬福訖步導出殿門外太僕卿出詣耕根車所攝衣而升正立執轡皇帝升輿降自

欽定四庫全書

附錄五禮制傳
卷一百二十七

九

西階至耕根車所左輔奏請皇帝降輿升車

有司仍具大輦若乘

輦即日降輿乘輦

太僕卿立授綬千牛將軍馭駕如來儀門下

侍郎奏請車駕進發車駕動稱警蹕侍衛如儀將至侍

臣上馬所門下侍郎奏請車駕少駐勅侍臣上馬左輔

前承旨退稱曰制可門下侍郎傳制稱侍臣上馬贊者

承傳勅侍臣上馬門下侍郎奏請車駕進發車駕動稱

警蹕鼓吹諸軍樂振作車駕將至宣德門外文武百官

立班再拜奉迎車駕至宣德門外少駐文武侍臣皆下

馬步導千牛將軍降立于車右車駕動千牛將軍夾車而趨大樂令奏采茨之樂入門樂止車駕至御幄前左輔奏請皇帝降車乘輿若乘輦即奏云降輦皇帝降車乘輿以入至大慶殿後閣左輔奏解嚴通事舍人承旨勅羣官各還次將士各還其所

政和五禮新儀卷一百二十七

欽定四庫全書

政和五禮新儀卷一百二十八

吉禮

闕

政和五禮新儀卷一百二十八

欽定四庫全書

政和五禮新儀卷一百二十九

吉禮

闕

政和五禮新儀卷一百二十九

欽定四庫全書

政和五禮新儀卷一百三十

吉禮

闕

政和五禮新儀卷一百三十

欽定四庫全書

政和五禮新儀卷一百三十一

吉禮

闕

政和五禮新儀卷一百三十一

欽定四庫全書

政和五禮新儀卷一百三十二

吉禮

闕

政和五禮新儀卷一百三十二

欽定四庫全書

政和五禮新儀卷一百三十三

吉禮

闕

政和五禮新儀卷一百三十三

欽定四庫全書

政和五禮新儀卷一百三十四

吉禮

闕


政和五禮新儀卷一百三十四

欽定四庫全書

政和五禮新儀卷一百三十五

吉禮

闕



政和五禮新儀卷一百三十五

欽定四庫全書

史部

政和五禮新儀卷一百五十六至

詳校官編修_臣曹錫齡

編修_臣程嘉謨覆勘

總校官庶吉士_臣何思鈞

校對官主簿_臣汪日贊

謄錄監生_臣張鴻仁

欽定四庫全書

政和五禮新儀卷一百三十六

賓禮

大慶殿元正冬至大朝會儀上

闕

政和五禮新儀卷一百三十六

欽定四庫全書

政和五禮新儀卷一百三十七

賓禮

大慶殿元正冬至大朝會儀中

闕

政和五禮新儀卷一百三十七

欽定四庫全書

政和五禮新儀卷一百三十八

賓禮

大慶殿元正冬至大朝會儀下

上壽

有司排設備大晟府設登歌於殿上立舞表於鄼綴之間尚醕設壽尊於御座之東稍北設坫於尊南加爵一

尊坫爵皆以御前金玉器充

尚食設御牀於御座之西稍北有司設羣

欽定四庫全書

政和五禮新儀
卷一百三十八

官酒尊酒器於殿下又設羣官座三公三少左輔右弼
太宰少宰在御榻之東稍南門下中書侍郎尚書左右
丞在其東次特進觀文殿大學士太子三少觀文殿學
士資政殿大學士六曹尚書金紫銀青光祿大夫翰林
學士承旨翰林學士資政端明殿學士龍圖閣學士左
右散騎常侍太子三少以下稍却尚書以下又稍却次開封尹六曹侍郎
直學士次宣奉正奉正議通議通奉大夫大司成太子
賓客詹事給事中中書舍人通議大夫左右諫議大夫

侍制太中大夫太常宗正卿次廂都指揮使軍都指揮使又在其東並西向北上太子三師在右丞之南御史大夫在常侍之南中丞在直學士之南各少空並西向北

上親王使相在御榻之西稍南

使相稍却

樞密在其西次節

度使次留後觀察使次廂都指揮使軍都指揮使又在

其西太尉在樞密之南左右金吾衛左右衛諸衛上將

軍在節度使之南

諸衛上將軍稍却

大遼使副使在將軍之南

北節度使稍却副使又稍却

防禦使團練使刺史在軍都指揮使之

南

各少空

並東向北上秘書監至朝奉大夫並夏國使副

在東朵殿

量地布座少卿以次升至朝奉郎如尚書有餘席以次升官多郎遷益損於廊上夏國使

副在南

諸軍都虞侯在其東並西向北上

如東朵殿百官員多郎併

在西

朵殿宗室遙郡團練使以上外官大將軍至副率并高

麗交州使副在西朵殿

高麗交州使副在南樞間

諸軍都虞侯在其

西並東向北上文臣通直郎以上在東廊諸軍正副指

揮使在其南次諸方及海外蕃客

如止一國即在西廊

次夏國人

從又在其南並西向北上諸軍正副指揮使在西廊大

遼人從在其南次諸方海外蕃客次高麗上中節次交
州職員又在其南並東向北上東閣門客省四方館承
受御史臺知班太常寺禮直官舍人引三公宰相親王
使相宗室文武百僚諸方及海外蕃客并人從等各就

位

三公親王以下分東西相向序立諸方及海外蕃客
在大遼人從之西高麗上中節人從在蕃客之西交

州職員又在其西並北向東上夏國人
從在宮架東南蕃客之東並北向西上禮直官舍人先

引左輔版奏中嚴少頃又版奏外辦皇帝服通天冠絳
紗袍簾卷大樂正令撞黃鐘之鐘右五鐘皆應內侍承

旨索扇扇合殿上鳴鞭皇帝御輿出東閣協律郎跪俯
伏舉麾興工鼓祝官架奏乾安之樂皇帝出自東房降
輿即御座南向簾卷內侍又贊扇開殿下鳴鞭憂致樂

止爐烟升禮直官通事舍人引班首以下橫行北向

西省官學

士侍制上將軍以下
依舊東西相向立

典儀曰拜贊者承傳在位官皆再

拜隨拜三稱萬歲引班首以下分班東西序立禮直官
引殿中監少監升殿詣酒尊所次禮直官舍人引光祿
卿詣橫街南承制位北向俯伏跪奏稱光祿卿具官臣

某言請允羣臣上壽俯伏興躬禮直官舍人引左輔詣東階東上閤門官接引升進御榻前躬承旨退臨折檻稍東西向曰制可左輔少退舍人曰拜光祿卿再拜訖贊祇候復本班內侍進御茶牀次殿侍於橫街南酌酒訖禮直官舍人引三公親王以下橫行北向典儀曰拜賀者承傳在位官皆再拜隨拜三稱萬歲禮直官通事舍人太常博士引上公自東階升詣酒尊所北向殿中監以爵授上公上公搢笏受爵詣御榻前少東西向立

尚醞典御開爵殿中少監注酒於爵訖

凡進酒皆典御開爵殿中少監

注酒禮直官太常博士東上閤門官引上公升榻詣御座

前躬進皇帝執爵上公執盤虛跪興降榻以盤授殿中

監上公執笏詣御榻前俯伏跪

百僚皆躬

奏稱文武百僚上

公具官臣某等稽首言元正首祚

冬至云天正長至

臣等不勝

大慶謹上萬歲壽俛伏興

百僚直身立

引退降階復位典儀

曰拜贊者承傳在位官皆再拜三稱萬歲躬禮直官引

左輔詣御榻前承旨退西向宣曰舉公等觴典儀曰拜

贊者承傳在位官皆再拜隨拜三稱萬歲引班首以下
分班東西序立禮直官通事舍人太常博士引上公自
東階升至殿中監前北向搢笏受盤升榻詣御座前西
向立皇帝舉第一爵宮架作和安之樂飲訖樂止上公
受虛爵訖虛跪興降榻以爵授殿中監訖執笏引降階
班首以下復北向位立定典儀曰拜贊者承傳在位官
皆再拜搢笏舞蹈又拜

宗室遙郡刺史及武功大夫以下并伎術官並退門外賜酒

禮直官舍人引左輔自東階升進御榻前俯伏跪奏稱

左輔具官臣某言請延公王等升殿俯伏興降階復位
次引左輔詣御榻前躬取旨西向稱有制典儀曰拜贊
者承傳在位官皆再拜宣曰延公王等升殿左輔退典
儀曰拜贊者承傳在位官皆再拜搢笏舞蹈又拜禮直
官舍人引公王以下升殿兩廊羣臣並立於席後殿中

監升榻詣御座東西向進皇帝第二爵酒

第三第四爵進酒並如上

儀上進酒舍人臣僚起立席後進酒訖贊就座

登歌奏某曲

元正冬至上壽登歌曲名樂章並每

年命詞臣取歲中所有祥瑞撰第二第三第四爵並同

飲訖樂止殿中監受虛爵

殿上羣臣就橫行位不升殿者於席後立舍人曰各賜酒舍人曰拜贊者承傳上下羣臣皆再拜隨拜三稱萬歲舍人曰就座羣臣皆坐太官令行羣官酒羣臣播笏受酒宮架作正安之樂文舞入立宮架北觴行一周

凡酒

巡周並太官令奏

宮架奏天下化成之舞三成止出殿中監進

皇帝第三爵酒羣臣立於席後登歌奏某曲飲訖樂止殿中監受爵舍人曰就座羣臣皆坐太官令行羣臣酒宮架作正安之樂武舞入觴行一周樂止尚食典御奉

御進食置御座前太官設羣臣食宮祭奏四夷來王之舞三成止出殿中監進皇帝第四爵酒登歌奏某曲太官令行羣臣酒並如第二爵之儀觴行一周樂止舍人曰可起羣臣皆立於席後禮直官舍人引左輔詣御榻前俯伏跪奏稱左輔具官臣某言禮畢俯伏興羣臣俱降復位立定典儀曰拜贊者承傳在位官皆再拜播笏舞蹈又再拜訖分東西序立內侍承旨索扇扇合簾降鳴鞭大樂正令撞蕤賓之鐘左五鐘皆應協律郎俯伏

跪舉麾興工鼓祝奏乾安之樂皇帝降座御輿入自東
房還東閣侍衛如來儀內侍又贊扇開夏啟樂止禮直
官通事舍人引左輔版奏解嚴所司承旨放仗在位官
皆再拜退宣詞令於橫街南慰勞將士隨詞逐句應再拜退
次大晟府樂工退

政和五禮新儀卷一百三十八